

Dumonda Caduff concernent la realisaziun da la lescha davart l'egualitad da persunas cun impediments sin staziuns

La lescha davart l'egualitad da persunas cun impediments (LImp) è entrada en vigur il schaner 2004. L'intent da la lescha è quel da reducir u d'eliminar dischavantatgs, als quals umans cun impediments èn exposts. En il sector dal traffic public pretenda la lescha ch'edifizis e stabiliments existents sco er che vehichels sajan da princip libers d'ostachels il pli tard l'onn 2023, q.v.d. ch'els vegnan adattads als basegns dals umans che han restricziuns pervia d'in impediment. Quai vala er per staziuns. In'eliminaziun dals dischavantatgs n'è betg necessaria, sche la commensurabilitad n'è betg dada. Quai è il cas, sch'il nizz che po vegnir spetgà per la persuna cun in impediment stat en ina disproporziun cun ils custs, cun ils interess da la protecziun da l'ambient sco er da la protecziun da la natira e da la patria u cun pretensiuns da la segirezza dal traffic e dal manaschi. En tals cas ston las interpresas da transport però porscher ina soluziun substitutiva adequata.

Ina retschertga fatga il zercladur 2016 tar las manadras da l'infrastructura (VFF/Viafier retica) ha mussà che 2 % da tut las staziuns en il chantun Grischun èn classificablas sco confurmas, 74 % sco betg confurmas e 24 % sco parzialmain confurmas a la LImp.

Sut quest aspect vegnan tschentadas las suandantas dumondas a la regenza:

1. Co è il stadi actual en il chantun Grischun?
2. Tge mesiras ha previs la regenza per cuntanscher ad ura ina planisaziun ed ina realisaziun d'in traffic senza ostachels sin staziuns grischunas?
3. Datti staziuns che na pon betg vegnir adattadas ad ura? Sche gea, pertge?
4. Per tge staziuns èn previsas soluziuns substitutivas adequatas?

Cuira, ils 18 d'october 2017

Caduff, Albertin, Atanes, Baselgia-Brunner, Blumenthal, Bondolfi, Bucher-Brini, Cahenzli-Philipp, Casty, Casutt-Derungs, Cavegn, Cramer, Darms-Landolt, Della Vedova, Deplazes, Dermont, Dosch, Epp, Fasani, Felix (Haldenstein), Foffa, Geisseler, Gunzinger, Hitz-Rusch, Holzinger-Loretz, Jaag, Jenny, Lorez-Meuli, Mani-Heldstab, Märchy-Caduff, Monigatti, Niggli-Mathis (Grüsch), Noi-Togni, Paterlini, Perl, Peyer, Pfenninger, Pult, Sax, Stiffler (Tavau Platz), Tenchio, Thomann-Frank, Tomaschett-Berther (Trun), von Ballmoos, Berther (Segnas), Cajacob, Degiacomi, Lombardi, Nicolay, Ruckstuhl